



Kalaallit Nuaanni aalisarnermi pisuussutiniq iluaquteqarnermi akitsuummumut nutaamut ilitsersuut

18-12-2017

Ulloq 1. januar 2018 aallarnerfigalugu atulersoq

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1.0 Ikerinnarsiortunik aalisarnermi avaleraasartuunit, ammassassuarmit, ammassannit, blåhvillinginit guldlaksinillu allaanerusunik aaliarnermi isumalluutiniq iluaquteqarnermut akitsuut

1.1 Tunisinermi aalisarnermi isumalluutiniq iluaquteqarnermut akitsuut

Kalaallit Nuaanni nunami tunisassiorfinnut tunitsivinnulluunniit tunisat, aalisariutit avataasiortuunerat sinerissalluunniit qanittuani aalisariutaanerap eqqutaatinnagu, qaammatini pingasukkaani kingullerni ilisimaneqartuni tunisinermit kiilumut aki agguaqatigiissillugu 8 kr-iuppat taannaluunniit qaangerlugu, aalisarnermi isumalluutiniq iluaquteqarnermut akitsuummik 5 procentimik akitsuusigaapput.

Qaammatini pingasuni ilisimaneqartuni kingullerni pingasuni tunisinermi aki agguaqatigiissillugu kiilumut 8 kr-imik appasinneruppat, taarsiullugu tunisat oqimaassusaat naapertorlugu kiilumut 0,05 kr-imik tungaviusumik akitsuummik akiliisoqassaaq.

Aalisagaqatigiiaakkaanut agguaqatigiissillugu akit naatsorsorneranni, tunisat nalinginik tunisallu annertussusaanik KANUAANA-mut paasissutissat tunniunneqartut atorineqartarput. Tunisat nalingi tunisallu annertussusaat pillugit paasissutissat KANUAANA-mut tunniunneqartut aalisagaqatigiiaat agguaqatigiissillugu tunineqarnerannut nalingisa naatsorsorneqarnerannut atorineqartarput.

1.1.1. Aalisagaqatigiiaat akitsuusersorneqartartut

Avataasiorlutik aalisariutinit tunisat:

- Raajat

- Qalerallit
- Saarullit
- Suluppaakkat
- Kullerit
- Sejit

Sinersissap qanittuani aalisariutinit tunisat:

- Raajat
- Qalerallit

Tunisassiorfik tunitsivilluunniit aalisariutit tunisineri tamaasa ingerlaavartumik akitsuutinik ilanngaasiinissamut pisussaatitaavoq, piffissallu akitsuusiiffiisut naaneri tamaasa (qaammatit pingasukkaartuni) ilanngaataasut aalisariutinullu ataasiakkaanut akitsuusiinermut toqqammaviusut (tunisat nalingat) kingusinnerpaamik piffissap akitsuusiiffiusup naanerata kingorna qaammammi ulluinnarmi kingullermi Akileraartarnermut Aqutsisoqarfimmut ingerlateqqillugit. Assersuutigalugu 2018-imut qaammatinut pingasukkaartunut siullermi akitsuusiiffiusumi akitsuutit ilanngaatisat kingusinnerpaamik ulloq 30. April 2018 ingerlateqqereerseqarsimassapput.

1.2 Avammut tunisanik aalisakkanut pisarineqartunut isumalluutinik atuinermi akitsuut

Kilisaatinit tunisassiorfuit, avataasiortuunerat sinerissalluunniit qanittuani aalisarnerat apeqqutaatinnagu, toqqaannartumik avammut niuernerq, avammut niuernermit agguaqatigiissillugu aki kiilumut 12 – 17 kr-ip akornanniitillugu aalisakkanut pisarineqartunut isumalluutinik atuinermi 5 procentimik akitsuusigaavoq.

Akitsuut agguaqatigiissillugu akip 17 kr-imik qaffasinnerunerani 1 kr-ikkaartumik qaffariarneri tamaasa 1 procentimik qaffattarpoq, tamannalu agguaqatigiissillugu kiilumut akip 29 kr-inngornissaata tungaanut ingerlasarpoq, taannalu tassaavoq akitsuutip ilanngaasigaanngitsup qaffasinnerpaaffissaa 17,0 procent taannalu nalleraangat akitsuutip qaffakkiartornera unittarpoq. Agguaqatigiissillugu aki kiilumut 29 kr-imit qaffasinnerutillugu akitsuutip qaffasinnerpaaffissaa ilanngaasigaanngitsooq 17,5 procentiuvoq.

Agguaqatigiissillugu kiilumut aki 12 kr-ip ataanikkaangat avammut tunisanut tamanut tunngaviumik akitsuutip minnerpaaffissaanik kiilumut 0,20 kr-imik akiliisoqartarpoq.

Uiluiit avammut tunisinermi nalingisa 5 procentiannik aalajangersimasumik akitsuusigaapput

Agguaqatigiissillugu avammut tunisinermi aki aalisagaqatigiiaanut ataasiakkaanut qaammatini pingasuni avammut tunisat nalingattut naatsorsorneqartarpoq. Naatsorsukkanut tunisinermi akiligassiisutit, aalisartitseqatigiiffiit akitsuummik akiliinerminnut atatillugu Akileraartarnermut Aqutsisoqarfimmut tunniutissallugit pisussaaffigisaat, toqaammavigneqartarput.

1.2.1 Avammut tunisat akitsuutaannik aalajangersaaneq

Agguaqatigiissillugu avammut tunisat kiilumut akiat	Akitsuummuk akiliut
0,00 kr. - 11,99 kr.	Kiilumut 0,20 kr
12,00 kr. - 17,00 kr.	5%
17,01 kr. - 18,00 kr.	6%
18,01 kr. - 19,00 kr.	7%
19,01 kr. - 20,00 kr.	8%
20,01 kr. - 21,00 kr.	9%
21,01 kr. - 22,00 kr.	10%
22,01 kr.- 23,00 kr.	11%
23,01 kr.- 24,00 kr.	12%
24,01 kr. - 25,00 kr.	13%
25,01 kr.- 26,00 kr.	14%
26,01 kr.- 27,00 kr.	15%
27,01 kr. - 28,00 kr.	16%
28,01 kr.- 29,00 kr.	17%
29,01 kr. taannalu qaangerlugu	17,50%

1.2.2 Aalisagaqatigiiaat akitsuuserneqartartut

Avataasiorluni aalisariutinit avammut tunisat:

- Raajat
- Qalerallit
- Saarullit
- Suluppaakkat
- Kullerit
- Sejit
- Saattuut
- Uiluiit

Sinerissap qanittuani aalisariutinit avammut tunisat:

- Raajat

Aalisartitseqatigiit akitsuummik akiliisussaatitaasut piffissap akitsuusiiffiusup (qaammatit pingasukkaartut) naanerani, piffissallu akitsuusiiffiusup qaangiunnerani kingusinnerpaamik ulluinnarmi kingullermi akitsuusiinermi toqqammaviusut (avammut tunisat nalingat avammullu tunisat annertussusaat) nalunaarutigissavaat akitsuullu akileraartarnermut ingerlatsivimmut akilissallugu. Assersuutigalugu 2018-imut qaammatinut pingasukkaartunut siullermi akitsuusiiffiusumi akitsuutit ilanngaatisat kingusinnerpaamik ulloq 30. April 2018 ingerlateqqereerseqarsimassapput.

Aalisakkanut pisarineqartunut isumalluutinik atuinermi akitsuummik naatsorsuinermit assersuutit ilanngussaq 1-imi takutinneqarput.

2.0 Aalisakkanik ikerinnarsiortunik avaleraasartuunik, ammassassuarnik, ammassannik, blåvillinginik guldlaksinillu aalisarnermi akitsuut

Akitsuut kiilukkaartumik akitsuutit akiligassiissutigineqartarpoq, aalisagartallu uumatillugit oqimaassusaat aallaavigalugu akitsuusiissut naatsorsorneqartarpoq.

Kalaallit aalisariutaattut angallatit Kalaallit Nunaanni nalunaarsorsimasut aalisariutillu nunanit allanit umiarsuup naalagaa imaluunniit maskinmesteria eqqaassanngikkaanni inuttaqartinnagit attartorneqartut pineqarput. Umiarsuurtut nunani allaneersutut aalisariutit inuttaqartillugit attartorneqartut pineqarput.

Avaleraasartuut

Kalaallit aalisariutaat, akitsuut kiilumut 0,40 kr.

Nunani allamiut aalisariutaat, akitsuut kiilumut 1,00 kr.

Ammassassuit

Kalaallit aalisariutaat, akitsuut kiilumut 0,25 kr.

Nunani allamiut aalisariutaat, akitsuut kiilumut 0,80 kr.

Ammassaat, blåhvillingit guldlaksillu

Kalaallit aalisariutaat, akitsuut kiilumut 0,15 kr.

Nunani allamiut aalisariutaat, akitsuut kiilumut 0,70 kr.

Aalisartitseqatigiit akitsuummik akiliisussaatitaasut piffissap akitsuusiiffiusup

naanerani, piffissallu akitsuusiiffiusup (qaammatit pingasukkaartut) qaangiunnerani kingusinnerpaamik ulluinnarmi kingullermi akitsuusiinermi toqqammaviusut (tunisat nalingat pisallu uumatillutik oqimaassusaat) nalunaarutigissavaat akitsuullu akileraartarnermut ingerlatsivimmut akilissallugu. Assersuutigalugu 2018-imut qaammatinut pingasukkaartunut siullermi akitsuusiiffiusumi akitsuutit ilanngaatisat kingusinnerpaamik ulloq 30. April 2018 ingerlateqqereerseqarsimassapput.

3.0 Isertitanit akileraaruserneqartussaataasunit ilanngaasiinissamut periarfissaq

Akitsuutit tunisinermi aalisakkanut pisineneqartunut isumalluutininik atuinermi akitsuutit akilerneqarnerat avammulluunniit tunisinermi nalingat aallaavigalugu akilerneqarnerat apeqqutaatinnagu isertitanit akileraaruserneqartussaataasunit ilanngaatigineqarsinnaatitaapput. Taamattaq aamma aalisagaqatigiiaanik ikerinnarsiortunik aalisarnermi kiilukkaartumik aalajangersimasumik akiliuteqarnermi aamma. Ilangaateqarsinnaatitaanermi aalisartup aalisartitseqatigiiffiulluunniit ingerlatsinermi aningaasartuutit allat assigalugit akileraarusigassatut isertitaani akitsuutit ilanngaatigineqarsinnaanerak pineqarpoq.

4.0 Akitsuutit annertussusaannik procentiinillu tamanut saqqummiussineq

Akileraartarnermut Aqutsisoqarfik piffissap akitsuusiiffissap tulliuuttup aallartinnissaa sapaatip akunneranik sioqqullugu, qaammatinut pingasukkaani (qaammatini pingasukkaani aggersuni) tullerni akitsuusiissutit akitsuutillu procentii nittartakkami quppernermini tamanut saqqummiuttassavaa.